

KENYATAAN MEDIA**SWM ENVIRONMENT TERUS KOMITED TERHADAP KELESTARIAN ALAM SEKITAR
MELALUI PROGRAM WORLD CLEANUP DAY 2024.**

PORT DICKSON, 21 SEPTEMBER 2024 – SWM Environment Sdn Bhd (SWM Environment) menyambut tahun keenam World Clean Up Day 2024 bersama-sama 200 orang sukarelawan yang terdiri daripada para pelajar institusi pengajian tinggi, jabatan-jabatan kerajaan, syarikat-syarikat swasta dan juga badan bukan kerajaan (NGO) di Negeri Sembilan dengan melaksanakan aktiviti pembersihan di Pantai Saujana Port Dickson.

“Program ini diadakan selari dengan komitmen SWM Environment untuk memelihara keindahan alam semula jadi dan memupuk pembudayaan tanggungjawab terhadap kebersihan alam sekitar. Para sukarelawan yang terlibat melakukan aktiviti pembersihan dan pengutipan sampah di sepanjang pantai tersebut. Di samping itu, para sukarelawan turut melaksanakan pengauditan sisa yang bertujuan untuk mengenal pasti jenis sisa yang dijana di sekitar pantai, bagi memahami corak pembuangan sampah di kawasan pesisiran pantai.

“Pengauditan sisa akan memberikan maklumat penting tentang jenis sampah yang dihasilkan oleh para pengunjung, terutamanya cebisan kecil yang sering tidak disedari tetapi membawa ancaman serius kepada ekosistem marin. Sisa kecil ini, walaupun nampak remeh, boleh menyebabkan kerosakan yang tidak dapat dipulihkan kepada hidupan laut,” kata Pengurus Besar Korporat SWM Environment Sdn Bhd, Tuan Haji Mohd Norlisam bin Mohd Nordin.

Katanya lagi, pada tahun 2022, aktiviti pembersihan melibatkan 200 sukarelawan berjaya mengumpulkan sebanyak 8,356 puntung rokok, 398 beg plastik, 320 cebisan pinggan/ cawan polisterin, 255 cawan minuman plastik, 247 penutup botol minuman plastik, 236 botol minuman plastik, 222 penyedut minuman plastik (straw), 120 pinggan/ cawan kertas. Bagi tahun 2023 pula, pengauditan sisa menerusi penglibatan 400 orang sukarelawan telah mengumpul cebisan kecil sisa seperti 10,651 puntung rokok diikuti dengan 636 perkakasan makanan (sudu dan garfu plastik) dan 592 beg plastik. Selain itu, sebanyak 203 penutup botol plastik dan 178 bekas minuman plastik turut berjaya dikumpulkan semasa pelaksanaan aktiviti pembersihan yang merupakan antara jenis sisa paling banyak dijumpai serta paling berbahaya. Bahan-bahan ini mengambil masa ratusan tahun untuk terurai dan sering dimakan oleh haiwan marin, menyebabkan kemudaratan kepada ekosistem.

Melalui inisiatif ini, SWM Environment berharap dapat memberi inspirasi kepada orang ramai untuk mengambil tanggungjawab dan tindakan lebih besar ke arah pemuliharaan alam sekitar. SWM Environment mengajak masyarakat dan pihak berkepentingan lain untuk bersama-sama menyertai gerakan global bagi kelestarian alam sekitar dan turut serta dalam usaha melindungi pantai-pantai di Malaysia.

-TAMAT-



SWM ENVIRONMENT

MENGENAI SWM ENVIRONMENT SDN. BHD.

SWM Environment Sdn. Bhd. (SWM Environment) adalah syarikat konsesi yang menyediakan perkhidmatan pengurusan sisa pepejal dan pembersihan awam di negeri Johor, Melaka dan Negeri Sembilan sejak tahun 1995, melalui perjanjian konsesi yang dikawal di bawah Akta Pengurusan Sisa Pepejal dan Pembersihan Awam Negara (Akta 672).

Sebagai syarikat konsesi terbesar di Malaysia, SWM Environment, melalui tenaga kerja yang seramai 12,000 orang, berkhidmat kepada 27 pihak berkuasa tempatan, 1.5 juta premis kediaman dan komersial dengan lebih daripada 5.1 juta orang bagi liputan geografi 28,500 kilometer persegi. Untuk maklumat korporat yang lebih lanjut, sila layari laman web: www.swm-environment.com.

Dalam usaha mengurangkan sisa janaan ke tapak pelupusan sampah, SWM Environment secara giat mempromosikan program-program alam sekitar yang berimpak tinggi seperti Pengasingan Sisa Pepejal Di Punca (SAS), kitar semula dan pengkomposan sisa makanan demi meningkatkan kesedaran awam di kalangan masyarakat umum.

Pada 2018, SWM Environment telah memperkenalkan program kitar semula berganjarannya, KITAREcycle, di ketiga-tiga negeri selatan Semenanjung Malaysia. KITAREcycle menggalakkan orang ramai untuk mengitar semula dan menerima mata ganjaran untuk lebih daripada 25 jenis barangan kitar semula yang termasuk kertas, tin aluminium, plastik, sisa elektrik dan elektronik. Mulai tahun 2024, mata ganjaran yang terkumpul hanya sah untuk tempoh dua tahun dan boleh ditebus secara tunai melalui perbankan dalam talian. Orang ramai boleh memuat turun aplikasi KITAREcycle melalui *Apple Store* dan *Google Play Store*. Sila layari laman web: www.kitarecycle.com untuk mendapatkan maklumat lanjut.

Untuk keterangan lanjut, sila hubungi:

Puan Nurul Liza Binti Mohd Najib

Pengurus

Jabatan Komunikasi Korporat & Hal Ehwal Kerajaan (Negeri Sembilan & Melaka)

SWM Environment Sdn. Bhd. (Pejabat Wilayah Negeri Sembilan)

Tel : 06 – 6014280/ 012 – 684 7168

E-mel : nurulliza.najib@swmsb.com